


Dán galgá skuvla dahkat jus du mánná givssiduvvo

Dás gávnnat dieđuid mat vuoigatvuodát du mánás leat, maid skuvla galgá dahkat ja mo don válddát oktavuoda skuvllain buoridan dihtii dili.

Sist endret: 29.11.2016

 [Last ned som PDF](#)

 [Skriv ut](#)

1. Ohppiid vuoigatvuodát
2. Dán galgá skuvla dahkat
3. Veahkki váldit oktavuoda skuvllain

Ohppiid vuoigatvuodát

Buot ohppiin lea riekti buori dillái

Buot ohppiin lea riekti skuvlabirrasii mii ovddida dearvvašvuoda, loaktima ja oahppama. Nu čuožžu [oahpahuslága 9a. kapihttalis](#). Dat mearkkaša earret eará ahte du mánná ii galgga gillát givssideami ii ge bieguheami, ii eará ohppiin ii ge oahpaheddjiin.

Jus du mánás ii leat buorre dilli, de lea sus riekti oažžut veahki ollesolbmui skuvllas.

Oahppi iežas vásáhus birrasis dat mearrida lea go dat doarvái buorre

Ii rektor, eai oahpaheaddjit eai ge eará oahppit dieđe buorebut go du mánná mo sus lea skuvllas. Rektor ii sáhte ovdamearkka dihtii čujuhit dasa ahte lea oppalaččat unnán givssideapmi skuvllas. Jus du mánná

vásiha unohasvuodaid, de galgá skuvla dan váldit duodalaččat.

Li dárbbáš leat givssideapmi vai du mánná oažžu veahki

Lea doarvái dat ahte du mánás ii leat buorre dilli. Sáhtta ovdamearkka dihtii ahte du mánná lea okto, sus eai leat ustibat dahje ahte ballá skuvlii mannamis.



Du mánás lea riekti guldaluvvot

Buot mánáin lea riekti muitalit iežaset oaivila ja guldaluvvot. Nu čuožžu ON mánáidkonvenšuvnnas. ON mánáidkonvenšuvdna lea šiehtadus eanaš riikkaid gaskkas máilmmis, ja dat muitala mo mánáin galgá leat. Norga lea vuolláičállán dán šiehtadusa.

Go skuvlla bargit árvoštallet maid sáhttet bargat bissehit givssideami vai du mánás šattašii buorre dilli, de fertejit jearrat du mánás mo sus lea. Skuvla galgá guldalit sihke maid du mánná ja don oaivildeahppi.

Dán galgá skuvla dahkat



Ollesolbmot galget gaskaluhttit ja bissehit givssideami ja bieguheami

Jus ollesolmmoš skuvllas diehtá – dahje jáhkka – du máná givssiduvvot dahje bieguhuvvot, de galgá son álo

- bissehit dan vajot, jus lea vejolaš
- iskat mii lea dáhpáhuvvan
- dieđihit rektorii

Rektor galgá fuolahit ahte du mánná oažžu veahki

Rektor galgá váldit bargiid dieđihemiid duodalažžan, ja son lea geatnegahtton iskat mii lea dáhpáhuvvan. Rektoris lea ovddasvástádus álggahit doaibmabijuid bissehit givssideami ja bieguheami vai du mánná dovdá iežas oadjebassan fas ja sus lea buorre dilli. Rektor galgá dieđihit dutnje váhnemin mii dahkko, ja dus ja du mánás lea riekti guldaluvvot.

Mo jus givssideapmi dáhpáhuvvá manjá skuvlla?

Dat mii dáhpáhuvvá ohppiid gaskkas maŋŋá skuvlla, sáhtta váikkuhit oahppi loaktimii skuvllas. Dat mearkkaša ahte skuvllas lea ovddasvástádus givssideamis mii dáhpáhuvvá maŋŋá skuvlla, ovdamearkka dihtii Interneahtras, skuvlageainnus dahje spábbačiekčanhárehallamis.



Skuvllas galget leat plánat buori skuvlabirrasii

Plánain galgá čuožžut maid skuvla bargá vai buot ohppiin lea buorre dilli. Galgá maiddái čuožžut mo skuvla bargá eastadit ja fuobmát givssideami ja bieguheami, ja maid galget dahkat go nu dáhpáhuvvá.

Plánat galget leat čálalaččat, nu ahte don beasat lohkat daid.

Veahkki váldit oktavuoda skuvllain



Dus lea riekti bivdit skuvlla álggahit doaibmajuid

Váhnemin lea dus riekti bivdit skuvlla álggahit doaibmajuid jus don oaivildat ahte du mánás ii leat buorre dilli. Sáhtát váldit oktavuoda skuvllain ieš okto, ovttas iežat mánáin, dahje ovttas eará váhnemiiguin.

Go bivddát doaibmajuid, de daga dan čálalaččat – geavat ánnas min málle

Mii ávžžuhit du bivdit doaibmajuid e-poastan dahje reiven. Dat dahká ahte don maŋŋil sáhtát duođaštit ahte don leat bivdán veahki. Olusat jerret mo galgá čállit diekkár e-poastta dahje reivve. Danne leat ráhkadan málle maid sáhtát geavahit:

[Mal til foreldre for å be om tiltak \(girjegillii\)](#)

[Mal til foreldre for å be om tiltak \(odddárogoillii\)](#)

Sádde reivve dahje e-poastta rektorii.

Muitte ahte ii leat du duohken evttohit doaibmajuid

Dat lea rektora ovddasvástádus. Muhto doai mánáin sáhttibeahhti ánnas evttohit doaibmajuid maid jáhkkibeahhti ávkkuhit.



☑ Sáhtát váldit mielde soapmása čoahkkimiidda skuvllain

Lea dábálaš ahte váhnemat ja skuvlla bargit deaivvadit háleštit buriid doaibmajuid ja čovdosiid birra. Olu váhnemiid mielas lea buorre váldit soapmása mielde čoahkkimiidda skuvllas, erenoamážit jus ášši lea bistán muhtun áiggi. Sáhtát ovdamearkka dihtii váldit mielde ustiba, bearašlahtu dahje eará geasa luohát.

Sáhtát maiddái addit soapmásii čálalaš doaimmahanválddi du ovddastit.

Jus don galggat hállat iežat máná ovddas guhte lea 18 jagi dahje boarrásat, de ferte son addit dutnje čálalaš doaimmahanválddi.

☑ Vurke duođaštusaid

Vurke duođaštusaid čoahkkimiin ja oktavuodain skuvllain. Fuolat ahte oaččut buot referáhtaid.

☑ Ná galgá skuvla čuovvolit

Skuvla galgá čuovvolit vajot, iskat ášši ja fuolahit ahte dat buoremus lági mielde lea čuvgehuwon. Dus ja du mánás lea riekti guldaluvvot. Dasto galgá skuvla dahkat čálalaš ovttaskasmearrádusa. Ovttaskasmearrádusas galgá earret eará čuožžut

- manne skuvla lea dahkan ovttaskasmearrádusa.
- maid skuvla galgá dahkat bissehit givssideami ja bieguheami vai du mánná dovdá iežas oadjebassan ja sus lea buorre dilli.
- ahte don sáhtát váldit skuvlla plána ja dan áigemeari.

Mii leat ráhkadan málle diekkár plánii, ja rektor sáhtta válljet geavahit:

Mal til rektorer for enkeltvedtak (girjegillii ja odđadárogiillii)

Sáhtta go rektor mitalit earáide mii reivves/e-poasttas čuoččui?

Rektor ferte dávjá hállat eará bargiiguin skuvllas das maid doai mánáin leahppi mitalan, vai sáhttet veahkehit dudno. Muhto dat ii mearkkaš ahte sáhttet mitalit dan vaikko geasa. Rektor soaita fertet hállat ohppiiguin geat leat mielde givssideamis dahje bieguheamis, ja sin váhnemiiguin.



Sáhtát váidit jus du máná dilli ii

Eanaš háviin go lea givssideapmi ja bieguheapmi, gávdná skuvla buriid čovdosiid ovttas ohppiiguin ja váhnemiiguin. Jus dilli ii buorrán, dahje jus don oaivvildat ovttaskasmearrádusa doaibmabijut eai leat doarvái buorit, de sáhtát váidit.

Váidináigemearri

Jus it oaivvil ovttaskasmearrádusa doarvái buorren, de lea váidináigemearri 3 vahku manjá go oaččuidet ovttaskasmearrádusa.

Sáhtát maiddái váidit jus ovttaskasmearrádus ii veahket dahje jus skuvla ii čuovvol doaibmabijuid. Dalle ii leat váidináigemearri. Sáhttibehtet váidit vaikko goas.

Mii berre čuožžut váidagis?

Váidda berre leat čálalaš, ja don berret čállit maid háliidat rievdadit ja manne. Sádde váidaga rektorii. Sáhtát välljet sáddet kopijja Fylkkamánái fylkkas gos ássabehtet. Fylkkamánni goziha ahte skuvllat čuvvot lágaid ja njuolggadusaid das ahte ohppiin galgá leat buorre dilli.

Jus eahpidat mo galggat váidit, de geavat áinnas min málle:

[Mal til foreldre på klage \(girjegillii\)](#)

[Mal til foreldre på klage \(odđadárogiillii\)](#)

Mii dáhpáhuvvá jus skuvla miehtá váidagii?

Dalle skuvla rievdata ovttaskasmearrádusa, ja dan odđa ovttaskasmearrádusa oktan doaibmabijuiguin dat galgá čuovvut.

Mo jus skuvla ii mieda váidagii?

Dalle sádde skuvla váidaga viidáseappot Fylkkamánái. Jus Fylkkamánni oaivvilda ahte skuvla ii leat dahkan doarvái, de sáhtta Fylkkamánni mearridit ahte skuvla galgá vajot rievdadit ovttaskasmearrádusa.

Fylkkamánni sáhtta maiddái addit dutnje rávvagiid du máná vuoigatvuođaid birra.

Sáhtát go mannat diggái áššiin?

Manjmuš jagiid leat ovddeš oahppit ožžon buhtadusa go manne diggái gieldda vuostá gos vázze skuvlla. [Sáhtát lohkat eanet diggeáššiid birra dás.](#)



Earát geaiguin sáhtát háleštit ja oažžut rávvagiid

- Sáhtát jearrat rávvagiid Vuođđooahpahusa váhnenlávdegottis (FUG) ja Mánáidgárddiid váhnenlávdegottis (FUB).
 - Fylkkamánni fylkkas gos ásat, sáhtta bagadit ja muitalit ohppiid vuoigatvuodaid birra ja váidinvejolašvuodaid birra jus don oaivvildat ahte skuvla ii daga doarvái bissehit givssideami ja bieguheami.
 - Gávdnojit mánggat organisašuvnnat, váhnenfierpmádagat ja vuođđudusat mat veahkehit váhnemiid, ja juogadit iežaset vásáhusaid givssidanáššiin.
-